



Serenissimi Principis Ac Domini Domini Caroli Dvcis Brvnovicensivm
Et Lvnaebvrgensivm Et Serenissimae Principis Ac Dominae Philippinae
Carolinae Potentissimi Regis Porvssiae Filiae Sacra Nvptiarvm Sollemnia
A. D. I. Ivlii MDCCXXXIII Berolini Celebranda Pvblicis Votis Et
Devotissima Gratvlatione In Ivleo Maiori Proseqvedna Indicit Prorector Et
Senatvs


Helmstadii

Phil 2° 00268/13 (22a)

https://dhb.thulb.uni-jena.de/receive/ufb_cbu_00000509

urn:nbn:de:urmel-8e98eb51-8c1b-4c68-b452-75fba51f315f6-00001128-11

Lizenz: <https://creativecommons.org/licenses/by-sa/4.0/>





urn:nbn:de:urmel-8e98eb51-8c1b-4c
68-b452-75fba51f315f6-00001128-11

22a

SERENISSIMI
PRINCIPIS AC DOMINI
DOMINI
CAROLI
DVCIS BRVNOVICENSIVM
ET LVNAEBVRGENSIVM
ET
SERENISSIMAE
PRINCIPIS AC DOMINAE
PHILIPPINAE
CAROLINAE

POTENTISSIMI REGIS PORVSSIAE
FILIAE

SACRA NVPTIARVM SOLLEMNIA

A. D. I. IVLII MDCCXXXIII.

BEROLINI CELEBRANDA

PVBLCIS VOTIS

ET

DEVOTISSIMA GRATVLATIONE

IN IVLEO MAIORI

PROSEQVEDNA

INDICIT

PRORECTOR ET SENATVS.

HELMSTADII

LITTERIS SCHNORRIANIS ACAD. TYPOGR.

urn:nbn:de:urmel-8e98eb51-8c1b-4c68-b452-75fba51f315f6-00001128-24

CRescente felicitate DOMVS GVELFICAE crescunt gaudia nostra, quae publice testari officii ratio a nobis postulat. Lectum genialem, ad quem FILIVM nuper manuduxerat REX potentissimus Porussiae FRIDERIVS WILHELMVS, nunc in sua domo filiae ornari & sterni iubet. CAROLVS Dux Brunovicensis & Lunaeburgensis, amor & deliciae generis humani, crastina luce sollemnia nuptiarum celebrabit cum PHILIPPINA CAROLINA, principe viragine tot excellentissimis animi corporisque dotibus decorata, vt paucae sint, quas pares putare possis. Nouo sic vinculo innectuntur vires potentissimae DOMVS Brandenburgicae felicitati GVELFORVM & sanctissima federa, quibus toties vniti olim fuerunt, felici fidere renouantur. Habet Iulia, quae sui conditoris memor in his sacris coniugalibus iucundissime recordetur: excitat memoriam asyli, quod diuus IVLIVS in terris Brandenburgicis quietissima securitate inuenit: meminit, ea occasione natos esse amores IVLII in IOACHIMI II. Principis electoris imperii R. G. filiam HEDWIGEM, felicissime per tot obstacula ad finem exoptatum matrimonii perductos, ex quo Serenissimum quoque CAROLVM sanguinem ducere laetatur. Pater IVLII, dux HENRICVS *iunior* aequo animo ferre non poterat, aliquem suorum repurgatae religionis veritati adsurgere & pristino sacrorum dogmatum rituumque cultui renuntiare. Nec filio pepercit eius iracundia: IVLIO adfulserat radius veritatis restitutae nec ab eius veneratione poterat dimoueri. Stupendum est dictu, quanta seueritate eam ob causam filium Deo magis, quam patri minanti obsequentem persequutus sit HENRICVS. Carcerem iam praeparari iusserat, cuius aeternis tenebris mandandus erat IVLIVS & datus fuisset sine dubio in hoc ergastulum, nisi exilio voluntario tantae miseriae se subtraxisset. Quum enim minister HENRICI Ducis IVLIO, camino cuidam adstanti, periculum significaturus, forcipe cineribus verba inscriberet: *fuge, fuge!* IVLIVS periculum in mora esse coniiciens statim fugam capeffit & ad IOANNEM, marchionem Brandenburgicum, Custrinum se recepit. Huic nupserat CATHARINA, soror IVLII dilectissima, qui eum saepius irae patris excandescens subduxerat. Ipse IOANNES, princeps

pru-

prudentissimus, qui per summam, qua pollebat sapientiam, *oculus & consilium Germaniae* dicebatur, ita fouit IULIUM, ita instruxit, ut virtus eius & prudentia omnibus esset admirationi. Saepe versatus in aula IOACHIMI II. vidit HEDWIGEM, principem virtutibus omnibus suo fastigio dignis exornatam, vidit eam & diuina prouidentia incitatus amauit. Haec primo miserata est principis pii & innocentis exilium, post aestimauit celsitatem animi eius & magnitudinem, ad omne discrimen obfirmati, paullatim diuino quasi spiritu adflata diligere eum coepit, mox amare. Cecinit ea de re *Nicodemus Frischlinus*, poeta coaeuus, in elegia funebri IULIO scripta:

*Sed nihil humanum est ex omni parte beatum
Obruit hic etiam saeua procella virum,
Namque patri inuisum rabiosa calumnia fecit
Fugerit ut patrios exul inopsque lares.
Tum, IOACHIME, tua vixit nouus hospes in aula,
Brandenburgicae qui caput urbis eras.
Illic HEDWIGIN thalami sibi federe iunxit:
O quam felici factus amore gener. a)*

Eluctatus enim est diuus IULIVS diuina adiuuante prouidentia per omnes difficultates. Parens orbatus filiis senioribus, qui in proelio ad Sivershusam commisso occisi, victoriam cruentam patri molestissimam reddiderant & persuasus a principibus viris mitior factus est filiumque ad patrios lares reuocauit. Tantum abfuit, ut amoris eius in principem Brandenburgicam reniteretur, ut ipse potius imperii Septemuirum IOACHIMUM II. ad sacrum illud matrimonii fedus ratum habendum inuitaret. Consentientibus omnibus, quorum intererat, IULIVS & HEDWIGIS iunguntur Berolini nuptiis D. XXV. Febr. A. MDLX. splendidissimo apparatu & insigni ludorum pompa exornatis. b). Pater ipse aderat HENRICVS adplaudens filii fortunae, quam omni conatu interuere adlaborauerat. c). Successit matrimonium felicissimum, ut concordia animorum, stirpe liberorum fecundissima & iucunda diuturnitate multorum principum coniugiis antecelleret. Ex hoc

a) Vid. REHTMEIER *Br. Lun. Chron. P. 3. c. 62. p. 1084*. Plura de exilio, & fati conugalibus Iulii adtulit ALGERMANN in *hist. mscpta vitae Iulii*, REHTMEIER l. c. p. 955. sqq. *Hamburg Hist. Remarques* 1703. p. 218.
b) V. ANGELI *annales Marchiae Brandenburgicae* p. 258. LEVTINGER *de Marchia & reb. Brand. L. II. p. 401*.
c) LEVTINGER l. c.

hoc felici matrimonio sanguinem quoque ducit CAROLVS
Serenissimus, cui princeps Brandenburgica nunc fortuna
tis auspiciis iungenda est. Diui enim IVLII filius HENRI-
CVS IVLIVS primus academiae Iuliae RECTOR magnificen-
tissimus, filiam DOROTHEAM collocavit RVDOLPHO princi-
pi Anhaltino. Peperit ei DOROTHEAM, quae nupsit AV-
GVSTO Duci Br. Luneb. Principi & per orbem politicum
& litterarium gloriosissimo, ad quem cum paterno, tum
materno sanguine originem refert CAROLVS, vt ex sequen-
te schemate patescit :

IVLIVS ——— HEDWIG

HENRICVS IVLIVS

DOROTHEA

coniux RVDOLPHI Anhaltini.

DOROTHEA

coniux diui AVGVSTI

ANTONIVS VLRICVS FERDINANDVS ALBERTVS

LVDOVICVS RVDOLPHVS

ANTONETTA AMALIA ——— FERDINANDVS ALBERTVS

CAROLVS

Recordamur felicitates IVLII in felicitate CAROLI ex eius
stirpe generati & dum omnes quod sui est officii in publi-
ca tot terrarum laetitia curatissime faciunt, nostra acade-
mia, quae deuotissima veneratione & pietate nemini cedit,
prospera quaeque, quae tanti fastigii matrimonium comi-
tari solent, CONIVGVN PARI fulgentissimo adprecatur. Inter-
pres votorum erit orator academiae, ERHARDVS REVSCHIVS,
iurium Licentiatus, eloquentiae & poëseos professor ordi-
narius, collega noster coniunctissimus, qui matrimonium
auspicatissimum per faustas congratulationes celebrabit.
Vestrum est, CIVES ACADEMICI, adiungere illis animos pre-
cesque vestras frequenterque nobiscum adesse dicenti.
Neque est, vt vos incitemus ad officium hoc persequen-
dum: iam incitavit vos communis patriae laetitia & DOMVS
GVELFICAE potentissimae fortuna & incrementum. P.P.
in academia Iulia, pridie A. Kl. Iul. A. R. S. MDCCXXXIII.